



Hää koorirahvas!

Süküs om käen ja nii ka vahtsõnõ laulminõ huugu kogoman. Uma Pido toimkund suuv teile kõigilõ helülist lauluhuuaiгу!

Meil om süärest hää miil teedä' anda', et valmis nakkas saama kolmanda Uma Pido DVD! Tegemiisi om üles võet katõ plaadi pääle.

Edimäne plaat kõnõlõs tuust, kuis pidos valmistõdi. Sääl om pääl vii tuuminõ pühäst Võhandu jõõst, kirämehe Contra lipujuusk ehk tuu, kuis vahtsõnõ võrokõisi lipp Umalõ Pido jõudsõ, Keriguplatsi laat ja pido pääpruuv Kubijal ja viil põnvat kõnõlõmist pidoga kõüdet inemiisiga.

Tõsõ plaadi pääl om III Uma Pido pääkontsõrt kõigi lauljidõ ja laulõ, nalju ja pauguga!

DVD tegemist tugõsi Piiriveere Liider Leader-programmist. Teno toolõ saa müügis tettävide plaatõ hind olla' kõigildõ mõistlik: topõlt-DVD mass õnnõ 6 eurot.

Plaadi' saava' valmis oktoobrin. Päält tuud tetäs ka DVD pidolik esitlõs. Mi suuv om, et ütski koorilaulja, kiä taad plaati hindäle saia taht, tuust ilma es jäänü!

Tuuperäst, armsa koorijuhi, pallõmi, et ti uurissi perrä, kupall'o ti koorin huviliisi om!
Uma koori plaaditahtjidõ nummõr saatkõ **meile ildampa 22. septembris.**

Sjood pallõmi tetä' väega lihtsähe. Saatkõ Ursula meili pääle ursula@wi.ee

- koori nimi ja kumitu plaati sooviti saia'

- kinkalõ arvõ tetä' (ku om mugavamb massa Võro Instituudi kontorin, sõs tuud saa kah!)
Uma Pido toimkund om kimmäs, et III Uma Pido DVD om illos mälestüs pidol käünüile. A samapall'o ka kimmäs kingitüs sõprulõ vai sugulaisilõ joulus vai muus aos. Seoga saa võrokõisi ja esihindä põnvit tegemiisi tõisilõ kittä!

Lämmält

Ursula Zimmermann

56 98 98 18

ursula@wi.ee